



აკაკი წერეთლის სახელმწიფო უნივერსიტეტი

ჰუმანიტარულ მეცნიერებათა ფაკულტეტი

საბაკალავრო პროგრამა

გერმანული ენა და ლიტერატურა

1. პროგრამის დასახელება: გერმანული ენა და ლიტერატურა

2. მისანიჭებელი აკადემიური ხარისხი: ჰუმანიტარულ მეცნიერებათა ბაკალავრი გერმანულ ენასა და ლიტერატურაში (BA in German Language and Literature)

3. პროგრამის განმახორციელებელი ფაკულტეტი და სტრუქტურული ერთეულები: ჰუმანიტარულ მეცნიერებათა ფაკულტეტი; გერმანული და ფრანგული ენების დეპარტამენტი; დასავლეთევროპული და ამერიკული ლიტერატურის დეპარტამენტი.

4. პროგრამის საკვალიფიკაციო დახასიათება

- **მიზანი:** საბაკალავრო პროგრამის მიზანია, მოამზადოს გერმანული ენისა და ლიტერატურის სპეციალისტები, რომელთაც ექნებათ ღრმა ცოდნა გერმანულ ენასა და ლიტერატურაში. პროგრამა მიზნად ისახავს აგრეთვე სტუდენტს სამეცნიერო-კვლევითი უნარის გაღრმავებას პრაქტიკული სქმიანობისა და შემდგომი სამაგისტრო სწავლებისათვის.
- **შედეგები და კურსდამთავრებულთა კომპეტენციები:** გერმანული ენისა და ლიტერატურის საბაკალავრო პროგრამის დამთავრების შემდეგ სტუდენტს ექნება გერმანული ლიტერატურის ისტორიის ძირითადი ეტაპებისა და ტენდენციების სიღრმისეული ცოდნა, ასევე ზოგადი განათლება დასავლეთევროპული ლიტერატურის ისტორიაში ანტიკური პერიოდიდან მოყოლებული XX საუკუნის ჩათვლით; პროგრამის კურსდამთავრებული უნდა ფლობდეს საკომუნიკაციო კომპეტენციას გერმანულ ენაში, მან უნდა შეძლოს სწავლის პერიოდში შეძენილი უნარ-ჩვევების პრაქტიკული გამოყენება - გამართული წერა და ზეპირმეტყველება გერმანულ ენაზე; სტუდენტს ექნება ლინგვისტიკის პრობლემურ საკითხებში ჩაღრმავებისთვის აუცილებელი თეორიული ცოდნა.
- **დასაქმების სფერო:** კურსდამთავრებული შეძლებს პედაგოგიურ მოღვაწეობას შესაბამისი პროფილით, ასევე საქმიანობას სამთავრობო დაწესებულებებსა და არასამთავრობო სექტორში.

5. პროგრამაზე მიღების წინაპირობები: საშუალო სკოლის ატესტატი და ერთიანი ეროვნული გამოცდების წარმატებით გავლა

6. პროგრამის სტრუქტურა:

საბაკალავრო პროგრამის კურიკულუმი სასწავლო დისციპლინათა 5 კატეგორიას მოიცავს:

1. საფაკულტეტო სავალდებულო კურსები (25 კრედიტი)
2. საფაკულტეტო არჩევითი კურსები (10 კრედიტი - 2 კურსი):
3. პროგრამის სავალდებულო კურსები (125 კრედიტი)
4. პროგრამის არჩევითი კურსები (3 კურსი - 15 კრედიტი)
5. თავისუფალი კრედიტები (5 კრედიტი)
6. დამატებითი სპეციალობის (Minor) დისციპლინები - 60 კრედიტი

პროგრამის სტრუქტურა

№	კურსი	სკ	ლ/პრ./ს/	კრედიტთა რაოდენობა	სემესტრები								წინაპირობა
					I	II	III	IV	V	VI	VII	VIII	
საფაკულტეტო საავადმედებლო კურსები (20 კრედიტი)													
1	ფილოსოფიის შესავალი	3	2.0.1	5	5								
2	ენათმეცნიერების შესავალი	3	2.0.1	5	5								
3	ლიტმცოდნეობის შესავალი	3	2.0.1	5	5								
4	კლასიკური ფილოლოგია	4	2.0.2	5	5								
საფაკულტეტო არჩევითი კურსები (10 კრედიტი - 2კურსი)													
1	საფაკულტეტო არჩევითი კურსი I (შესავალი კურსები)	3	2.0.1	5	5								
	შესავალი არქეოლოგიაში	3	2.0.1	5	5								
	შესავალი აღმოსავლეთმცოდნეობაში	3	2.0.1	5	5								
	შესავალი ქართულ ფილოლოგიაში	3	2.0.1	5	5								
	შესავალი ინგლისურ ფილოლოგიაში	3	2.0.1	5	5								
	შესავალი გერმანულ ფილოლოგიაში	3	2.0.1	5	5								
	შესავალი რომანულ ფილოლოგიაში	3	2.0.1	5	5								
	შესავალი სლავურ ფილოლოგიაში	3	2.0.1	5	5								
2	საფაკულტეტო არჩევითი კურსი II (ენები)	3	0.3.0	5	5								
	ინგლისური ენა	3	0.3.0	5	5								
	გერმანული ენა	3	0.3.0	5	5								
	ფრანგული ენა	3	0.3.0	5	5								
	რუსული ენა	3	0.3.0	5	5								
	ქართული ენა(უცხოელ სტუდენტთათვის)	3	0.3.0	5	5								
	სპარსული ენა	3	0.3.0	5	5								
	თურქული ენა	3	0.3.0	5	5								

	არაბული ენა	3	0.3.0	5	5								
პროგრამის სავალდებულო კურსები (130 კრედიტი)													
1	გერმანული ენა 1	6	0.6.0	10		10							
2	გერმანული ენა 2	6	0.6.0	10			10						
3	გერმანული ენა 3	6	0.6.0	10				10					
4	გერმანული ენა 4	6	0.6.0	10					10				
5	გერმანული ენა 5	6	0.6.0	10						10			
6	გერმანული ენა 6	4	0.4.0	5							5		
7	გერმანული ენა 7	4	0.4.0	5								5	
8	ლექსიკოლოგია	2	1.0.1	5					5				
9	თეორიული გრამატიკა	2	1.0.1	5						5			
10	გერმანული ენის ისტორია	2	1.0.1	5							5		
11	საზღვარგარეთის ლიტერატურის ისტორია 1	3	2.0.1.	5		5							
12	საზღვარგარეთის ლიტერატურის ისტორია 2	3	2.0.1.	5			5						
13	მხატვრული ტექსტის ანალიზი	2	1.0.1	5		5							
12	შუა საუკუნეებისა და აღორძინების ხანის გერმანული ლიტერატურის ისტორია	3	1.0.2	5				5					
13	XVII-XVIII ს. გერმანული ლიტერატურის ისტორია	3	2.0.1.	5					5				
14	XIX ს გერმანული ლიტერატურის ისტორია	3	1.0.2	5						5			

15	XX ს. I ნახევრის გერმანული ლიტერატურის ისტორია	3	1.0.2	5							5	
16	XX ს. II ნახევრის გერმანული ლიტერატურის ისტორია	3	1.0.2	5								5
17	გერმანული განმანათლებლობისა და რომანტიზმის ლიტერატურის პრობლემური საკითხები (სპეც. კურსი)	3	1.0.2	5								5
18	ზოგადი ენათმეცნიერება	2	1.0.1	5								5
5	ქართული ენა	1.5	1. 0. 0.5.	2.5			2.5					
6	ქართული ლიტერატურა	1.5	1. 0. 0.5.	2.5			2.5					
პროგრამის არჩევითი კურსები (15 კრედიტი - 3 კურსი)												
1	არჩევითი კურსი - 1	3	2..0.1			5						
1.1	ქვეყანათმცოდნეობა											
1.2	გერმანული სარაინდო რომანის სპეციფიკა											
2	არჩევითი კურსი - 2	2	0.2.0.			5						
2.1	ბიზნესის ენა											
2.2	გერმანული მინეზანგი											
3	არჩევითი კურსი - 3	2	0.2..0					5				
3.1	დესკრიფციული წერა											
3.2	ქართულ- გერმანული ლიტერატურული ურთიერთობების ისტორია											
თავისუფალი კრედიტები												
	თავისუფალი კრედიტები	3		5							5	
	დამატებითი სპეციალობის (Minor) კრედიტები			60			10	10	10	10	10	10
	სულ			240	30	30	30	30	30	30	30	30

გამოყენებულ შემოკლებათა განმარტება: სკ - საათი კვირაში ლ/პ/ს/ლაბ. - ლექცია/პრაქტიკული/სემინარი/ლაბორატორიული

7. სასწავლო კურსების ანოტაციები

საფაკულტეტო სავალდებულო კურსები (20 კრედიტი)

კურსის კოდი: SFB0500

კურსის დასახელება: **ფილოსოფიის შესავალი** (5კრედიტი).

კურსი მოიცავს შემდეგ თემებს: კულტურის, რელიგიის, ფილოსოფიის პრობლემატიკა, აზროვნების ზოგადი კანონზომიერებები, შემეცნების თეორია, ღირებულებების, რწმენის, თავისუფლების საკითხები. ანტიკური ფილოსოფიის მიმოხილვა, შუა საუკუნეებისა და აღორძინების ეპოქის იდეალები, მეცნიერული პროგრესის იდეა ახალ დროში, თანამედროვე აზროვნება და პოსტმოდერნული სიტუაციის ანალიზი.

კურსის კოდი: HLB0110

კურსის დასახელება: **ენათმეცნიერების შესავალი** (5 კრედიტი).

ენათმეცნიერების შესავლის კურსი იკითხება ჰუმანიტარულ მეცნიერებათა ფაკულტეტის ბაკალავრიატის პირველ წელს. კურსის მიზანია, გააცნოს სტუდენტებს ენათმეცნიერების ძირითადი საკითხები, ჩამოუყალიბოს დისციპლინისათვის არსებითი ტერმინოლოგიური ბაზა, შეასწავლოს ენათმეცნიერების ყველა დარგის საფუძვლები. კურსი გულისხმობს როგორც თეორიულ, ასევე პრაქტიკულ მეცადინეობებს.

კურსის კოდი: HGB0230

კურსის დასახელება: **ლიტერატურისმცოდნეობის შესავალი** (5 კრედიტი).

ლიტერატურისმცოდნეობის შესავლის კურსი მოიცავს შემდეგ თემებს: ლიტერატურისმცოდნეობის პროპედევტიკა, ლიტერატურისმცოდნეობა და მისი ძირითადი დარგები, მონათესავე და დამხმარე დისციპლინები, პოეტიკის განვითარების ეტაპები; ლიტერატურა და ხელოვნება; ხელოვნების დარგები; ლიტერატურული ნაწარმოების შინაარსი და ფორმა; თემა, იდეა, მიზამდასახულობა; ლიტერატურული ნაწარმოების კომპოზიცია და სიუჟეტი; პერსონაჟთა კლასიფიკაცია; ადამიანთა სახეები გამოსახვის მეთოდის მიხედვით; მხატვრულ სახეთა შექმნის საშუალებები. დახასიათების სახეები; მწერლის ენა და პერსონაჟის ენა, პოეტური ლექსიკა, ტროპის სახეები, პოეტური სინტაქსის ფიგურები; ლექსი და პროზა (განსხვავება). რითმა და მისი სახეები; ლექსის მთავარი ზომები (ტერფის სახეები). ლექსთწყობის სისტემები. ლექსის მთავარი სქემები (ქართული, ევროპული, აღმოსავლური). ლიტერატურის გვარებად და ჟანრებად ჩამოყალიბება: ეპიკური, ლირიკული და დრამატული ჟანრები.

კურსის კოდი: HAB0390

კურსის დასახელება: **კლასიკური ფილოლოგია** (5 კრედიტი).

კურსის მიზანია ანტიკური ლიტერატურის საფუძვლიანი შესწავლა ანტიკურობის ინტელექტუალურ და სოციალურ კონტექსტში, ლათინური ენის შესწავლა, მისი ფორმირებისა და განვითარების ძირითადი ეტაპების განხილვა ინდოევროპული ენათმეცნიერების ჭრილში, ანტიკური კულტურის, როგორც ევროპული და გარკვეულწილად, თანამედროვე მსოფლიო კულტურის განხილვა კვლევის თანამედროვე მდგომარეობის გათვალისწინებით. ჟანრის ფორმირებისა და განვითარების კანონზომიერებისა თუ თავისებურებების ანალიზი. განსაკუთრებული ყურადღება დაეთმობა ჰომეროსის, ჰესიოდეს, აპოლონიოს როდოსელის, ვირგილიუსის,

ოვიდიუსის, საფოს და სხვათა შემოქმედებას, ანტიკური და პოსტანტიკური კონცეფციების შედარებით განხილვას.

საფაკულტეტო არჩევითი კურსი I (5 კრედიტი)
(შესავალი კურსები)

კურსის კოდი: HAB0380

კურსის დასახელება: **შესავალი არქეოლოგიაში (5 კრედიტი).**

კურსი მოიცავს შემდეგ თემებს: არქეოლოგია, როგორც მეცნიერების დარგი (საგანი, მიზანი და ამოცანები); ხელოვნების ძეგლთა და სიძველეთა დაგროვება-კოლექციონირება; არქეოლოგიურ ძეგლთა დაცვა და სამუზეუმო კოლექციები; ნივთიერი კულტურა-არქეოლოგიის ძირითადი წყარო (კერამიკა, ლითონები, მინა, ქვა...); არქეოლოგია თანამედროვე მეცნიერებათა სისტემაში; არქეოლოგია და დამხმარე დისციპლინები (ნუმისმატიკა, ეპიგრაფიკა, გლიპტიკა); ეთნოარქეოლოგიური კვლევა; არქეოლოგია და ჰუმანიტარული მეცნიერებები (კლასიკური ფილოლოგია; ისტორია, ანთროპოლოგია, ეთნოლოგია, ხელოვნების და კულტურის ისტორია); არქეოლოგია და საბუნებისმეტყველო მეცნიერებები (პალეოანთროპოლოგია, პალეობოტანიკა, პალეობიოლოგია, პალეოეკოლოგია); არქეოლოგია და სინფორმაციო ტექნოლოგიები; წერილობითი წყაროები და არქეოლოგია; არქეოლოგიური კვლევის მეთოდოლოგია; კულტურული მემკვიდრეობის პოპულარიზაცია.

კურსის კოდი: HIB0791

კურსის დასახელება: **შესავალი აღმოსავლეთმცოდნეობაში (5 კრედიტი)**

კურსი მოიცავს შემდეგ თემებს: ფილოლოგიის და ისტორიის ცნება; აღმოსავლეთმცოდნეობის, როგორც კომპლექსური მეცნიერების ძირითადი მიმართულებებისა და დარგების შესწავლის საგანი და მიზენი; სემიტოლოგიის, თურქოლოგიისა და ირანისტიკის სკოლების ტრადიციები საქართველოში; აღმოსავლური ფილოლოგიისა და ისტორიის კვლევის ძირითადი მიმართულებები და მათი შესწავლის მნიშვნელობა ქართული კულტურის ისტორიისათვის. მახლობელი აღმოსავლეთის ხალხთა ძირითადი ლიტერატურული ტენდენციები; ქართულ-აღმოსავლური ენობრივი და ლიტერატურული ურთიერთობების საკითხები.

კურსის კოდი: HLB0541

კურსის დასახელება: **შესავალი ქართულ ფილოლოგიაში (5 კრედიტი).**

კურსი შედგება ორი ნაწილისაგან: შესავალი ქართულ ენაში და შესავალი ქართულ ლიტერატურაში. ქართული ლიტერატურის პროპედევტიკულ კურსში სტუდენტებს ლექციები წაეკითხებათ შემდეგ საკითხებზე: ქართული მწერლობის განვითარების უმთავრესი პერიოდები და ძირითადი ტენდენციები უძველესი დროიდან მოყოლებული დღემდე, „ვეფხისტყაოსნის“ როლისა და ადგილისათვის მსოფლიო ლიტერატურის ისტორიაში, ლიტერატურული დაჯგუფებანი და ძირითადი მიმდინარეობანი ქართულ მწერლობაში, ემიგრაციაში მოღვაწე ქართველ მწერალთა შემოქმედება, ქართული კულტურისა და მწიგნობრობის კერები საქართველოსა და უცხოეთში... აღნიშნული საკითხები შესწავლილ იქნება მსოფლიო ლიტერატურის შესაბამის მოვლენებთან კონტექსტში. კურსის შესწავლის წინაპირობას წარმოადგენს სასკოლო განათლება.

კურსის მეორე ნაწილი მოიცავს შემდეგ თემებს: ქართველი ერის ისტორიული განვითარების გზა, ქართული ენის წარმოშობა და მისი თეორიები, ქართული ენის ადგილი მსოფლიო ენათა სისტემაში, ქართული დამწერლობის წარმოშობა, განვითარების ეტაპები, ქართული ენის ურთიერთობა სხვა ენებთან, დიალექტები და ურთიერთობა სალიტერატურო ენასთან, ქართული ენის ნორმირების საკითხები.

კურსის კოდი: HEB0241

შესავალი ინგლისურ ფილოლოგიაში (5 კრედიტი)

კურსი მოიცავს შემდეგ თემებს: ფილოლოგიის ცნება; ფილოლოგიის მომიჯნავე დისციპლინები; ინგლისური ფილოლოგიის, როგორც დარგის, შესწავლის საგანი და მიზნები; ინგლისური ფილოლოგიის ძირითადი ასპექტები, ინგლისური ენის პრაქტიკული კურსების ზოგადი აღწერილობა მოდულური სწავლების სისტემის სპეციფიკის გათვალისწინებით: თითოეული ასპექტისა და ინგლისური ენის გრამატიკის საფუძვლების აღწერა; ინგლისური ენის თეორიული კურსების მიზნებისა და ამოცანების ზოგადი დახასიათება; ინგლისურ ენაზე საერთაშორისოდ აღიარებული ნორმების მიხედვით საკურსო და სადიპლომო ნაშრომის შესრულების ტექნოლოგიების სწავლება; კურსის ასევე მიზნად ისახავს მიაწოდოს სტუდენტს ზოგადი ხასიათის ინფორმაცია ინგლისური ლიტერატურის ისტორიის ძირითადი ეტაპებისა და ტენდენციების შესახებ; გამოუმუშავოს მას ფილოლოგიის უნარ-ჩვევები (ბიბლიოთეკაში მუშაობა, რეფერატის დაწერა, რეფერატის, სამეცნიერო ნაშრომის ტექნიკური გაფორმების წესები).

კურსის კოდი: HFB0511

შესავალი გერმანულ ფილოლოგიაში (5 კრედიტი)

კურსი მოიცავს შემდეგ თემებს: ფილოლოგიის ცნება; ფილოლოგიის მომიჯნავე დისციპლინები; გერმანული ფილოლოგიის, როგორც დარგის, შესწავლის საგანი და მიზნები; აღნიშნულ კურსში ისწავლება ცალკეული საკითხები გერმანული ენის მორფოლოგიიდან და სინტაქსიდან, ასევე შესასწავლი ენის ზოგიერთი მომენტი ენის ისტორიიდან: მაგ., გერმანული ენის წარმოშობის ისტორიული პირობები, გერმანიკულ ენათა ოჯახი, გერმანიკული ტომები, გერმანული დიალექტები, გერმანული ენის ეროვნული ვარიანტები, გერმანული ენის არსებობის ფორმები, საშუალო გერმანულის ზოგადი დახასიათება, ადრეული ახალი გერმანულის ზოგადი დახასიათება; ლიტერატურული ენის ფორმირების ძირითადი ეტაპები და ტენდენციები, საკითხები ენის ლექსიკური მარაგის შევსებისა და გამდიდრებისათვის.

ამასთანავე, კურსი სტუდენტს მიაწვდის ზოგადი ხასიათის ინფორმაციას გერმანული ლიტერატურის ისტორიის ძირითადი ეტაპებისა და ტენდენციების შესახებ;

გამოუმუშავებს მას ფილოლოგიისათვის აუცილებელ უნარ-ჩვევებს (ბიბლიოთეკაში მუშაობა, რეფერატის დაწერა, რეფერატის, სამეცნიერო ნაშრომის ტექნიკური გაფორმების წესები).

კურსის კოდი: HFB0611

კურსის დასახელება: შესავალი რომანულ ფილოლოგიაში (5 კრედიტი).

კურსი მოიცავს შემდეგ თემებს: ფილოლოგიის ცნება; ფილოლოგიის მომიჯნავე დისციპლინები; ფრანგული ფილოლოგიის, როგორც დარგის, შესწავლის საგანი და მიზნები;

აღნიშნულ კურსში ზოგადად ისწავლება ენის თეორიის საწყისი ცნებები ფრანგული ენის მორფოლოგიური, სინტაქსური, ლექსიკურ-სემანტიკური და სტილისტური სისტემების ზოგადი დახასიათების საშუალებით. კურსის მიზანია აგრეთვე კურიკულუმით გათვალისწინებული შესასწავლი ენობრივი ასპექტების მიმოხილვა. შესავალი ფრანგულ ფილოლოგიაში ითვალისწინებს აგრეთვე სტუდენტისათვის ზოგადი ხასიათის ინფორმაციის მიწოდებას ფრანგული ლიტერატურის ისტორიის ძირითადი ეტაპებისა და ტენდენციების შესახებ;

კურსის მიზანია, სტუდენტს ჩამოუყალიბოს ფილოლოგიის უნარ-ჩვევები (ბიბლიოთეკაში მუშაობა, რეფერატის დაწერა, რეფერატის, სამეცნიერო ნაშრომის ტექნიკური გაფორმების წესები).

კურსის კოდი: HSB0361

კურსის დასახელება: **შესავალი სლავურ ფილოლოგიაში** (5 კრედიტი).

ფილოლოგიის, როგორც ჰუმანიტარული მეცნიერების განსაზღვრა. სლავური ფილოლოგიის სპეციფიკა და განვითარების ეტაპები. წამყვანი სკოლებისა და პერსონალიების დახასიათება. ლიტერატურის, როგორც მეცნიერებისა და სიტყვის ხელოვნების ადგილი რუსული კულტურის ისტორიაში.

შესავალი სლავურ ფილოლოგიაში (ენა) აცნობს სტუდენტებს სლავური ენების ადგილს სხვა ევროპულ ენებს შორის, აგრეთვე აძლევს წარმოდგენას მათ ფონეტიკური და გრამატიკული სპეციფიკის შესახებ.

კურსი ეყრდნობა სტუდენტის მიერ სკოლაში მიღებულ ცოდნას. მისი შესწავლა ხდება მომიჯნავე დისციპლინების - კლასიკური ფილოლოგიისა და ენათმეცნიერების შესავლის პარალელურად.

საფაკულტეტო არჩევითი კურსი II (ენები) (5 კრედიტი)

კურსის კოდი: HEB0051

ინგლისური ენა (5 კრედიტი)

კურსი მოიცავს ინგლისური ენის ოთხივე ასპექტის – წერა, კითხვა, მოსმენა, საუბარი – კომპლექსურ სწავლებას; გრამატიკული მასალა: სიტყვათწარმოების წესები, საყოველთაოდ მიღებული წერილობითი ნორმები, მოსმენილი მასალის აღქმა და ანალიზი, საუბრის დიალოგური და მონოლოგური ფორმით წარმართვა, კითხვითი ტიპის დავალებების შესრულება. ზეპირი და წერითი უნარ-ჩვევების განვითარება სწავლების თანამედროვე მეთოდების საშუალებების სასწავლო პროცესში ჩართვა, სააუდიტორიო, კლასგარეშე და ინდივიდუალური შეთავსებითი ხასიათის მუშაობა, ჰენდაუტების, აუდიო-ვიდეო მასალების, უახლესი სახელმძღვანელოების გამოყენება.

კურსის კოდი: HFB0071

გერმანული ენა (5 კრედიტი)

კურსის სტატუსი არის არჩევითი და ეყრდნობა სასკოლო განათლებით მიღებულ უნარ-ჩვევებს. ენის შემსწავლელი უნდა ფლობდეს საბაზისო ცოდნას გერმანული ენის ზეპირ და წერით მეტყველებაში. სწავლებისას კომპლექსურად ხდება სხვადასხვა უნარებზე მუშაობა, გრამატიკის საფუძვლების უცხო ენაზე თეორიულად და პრაქტიკულად დამუშავება, მარტივი აუტენტური დიალოგების მოსმენა და გაგება, წერილობით ელემენტარული ორთოგრაფიული ნორმების გაცნობა და მარტივი კარნახების შესრულება. კურსში ასევე გათვალისწინებულია სტუდენტებისათვის ქვეყნისმცოდნეობითი მოკლე ინფორმაციების (კლიშეები, რეალიები) გაცნობა. კურსის დამთავრების შემდეგ სტუდენტმა უნდა შეძლოს ელემენტარული საუბარი, მარტივი, ადაპტირებული ტექსტის გაგება და დონის შესაბამისი ლექსიკურ-გრამატიკული ტექსტის შესრულება.

კურსის კოდი: HFB0341

კურსის დასახელება: **ფრანგული ენა** (5 კრედიტი).

კურსის სტატუსი არის არჩევითი და ეყრდნობა სასკოლო განათლებით მიღებულ უნარ-ჩვევებს. ენის შემსწავლელი უნდა ფლობდეს საბაზისო ცოდნას ფრანგული ენის ზეპირ და წერით მეტყველებაში. სწავლებისას კომპლექსურად ხდება სხვადასხვა უნარებზე მუშაობა, გრამატიკის საფუძვლების უცხო ენაზე თეორიულად და პრაქტიკულად დამუშავება, მარტივი აუტენტური

დიალოგების მოსმენა და გაგება, წერილობით ელემენტარული ორთოგრაფიული ნორმების გაცნობა და მარტივი კარნახების შესრულება. კურსში ასევე გათვალისწინებულია სტუდენტებისათვის ქვეყნისმცოდნეობითი მოკლე ინფორმაციების (კლიშეები, რეალიები) გაცნობა. კურსის დამთავრების შემდეგ სტუდენტმა უნდა შეძლოს ელემენტარული საუბარი, მარტივი, ადაპტირებული ტექსტის გაგება და დონის შესაბამისი ლექსიკურ-გრამატიკული ტესტის შესრულება.

კურსის კოდი: HSB0291

კურსის დასახელება: რუსული ენა (5 კრედიტი).

რუსული ენის სწავლების ლინგვისტურ კურსში სტუდენტის ლინგვისტურ გა მეთოდური დაოსტატების პროცესი მიზნად ისახავს დაეხმაროს სტუდენტს რუსული ზეპირი და წერილი მეტყველების განვითარებასა და სრულყოფაში, ორთოგრაფიისა და ორთოეპიის სფეროში არსებული ცოდნის კორექტირებაში, გაღრმავებასა და აქტივიზაციაში. კურსში შესწავლილი იქნება: რუსული ენის ძირითადი ორთოგრაფიული ნორმები და მოხდება წერის დროს მათი სწორად გამოყენების უნარ-ჩვევების გამომუშავება; რუსული ენის ძირითადი ორთოეპიული ნორმები და ზეპირი მეტყველების დროს მათი სწორად გამოყენება; მოხდება რუსულ ენაზე მარტივი ტექსტების კითხვის, თარგმნის, გაგების, ანალიზის, გადმოცემის უნარის განვითარება

კურსის კოდი: HIB0031

კურსის დასახელება: არაბული ენა (5 კრედიტი)

კურსი მოიცავს არაბული ანბანის, კალიგრაფიის ტექნიკის (ასოთა მოხაზულობა, გადაბმა და ა. შ.), დამატერბითი ნიშნების, კითხვისა და წარმოთქმის წესების შესწავლას; უმარტივესი განმთვნიებული ფრაზების, ტექსტებისა და დიალოგების კითხვას, გაგებასა და გადმოცემას.

კურსის კოდი: HIB0021

კურსის დასახელება: თურქული ენა (5 კრედიტი)

კურსი მოიცავს თურქული ენის ანბანის, კითხვის და წარმოთქმის წესების შესწავლას, უმარტივესი ფრაზების, ტექსტებისა და დიალოგების კითხვას, გაგებასა და გადმოცემას.

კურსის კოდი: HIB0011

კურსის დასახელება: სპარსული ენა (5 კრედიტი)

კურსი მოიცავს არაბული ანბანის, კალიგრაფიის ტექნიკის (ასოთა მოხაზულობა, გადაბმა და ა. შ.), დამატერბითი ნიშნების, კითხვისა და წარმოთქმის წესების შესწავლას; უმარტივესი განმთვნიებული ფრაზების, ტექსტებისა და დიალოგების კითხვას, გაგებასა და გადმოცემას.

კურსის კოდი: HLB0401

კურსის დასახელება: ქართული ენა უცხოელი სტუდენტებისათვის

საგანი ხელს შეუწყობს არაქართველ სტუდენტთა (ან სპეციალისტთა) წერილი და ზეპირი მეტყველების კულტურის ჩამოყალიბება-ამაღლებას, დიალოგის წარმართვის, დამოუკიდებელი აზროვნებისა და მსჯელობის უნარ-ჩვევების ჩამოყალიბებას, ქართული ენის შესაძლებლობების დაუფლებას, რაც ქართული ენის შესწავლით დაინტერესებული პიროვნების პროფესიონალიზმის საფუძველია.

საგანი ითვალისწინებს ქართველოლოგიის ზოგადი საკითხების, ქართული ენის გრამატიკული წყობისა და ლექსიკური ფონდის, განსაკუთრებით თანამედროვე ქართული სალიტერატურო ენის ნორმათა შესწავლას.

პროგრამის სავალდებულო კურსები (130 კრედიტი)

კურსის კოდი: HFB0140

გერმანული ენა 1 (10 კრედიტი)

ამ კურსის დამუშავების დროს სტუდენტს უნდა გამოუმუშავდეს სწორი წარმოთქმისა და ინტონაციის უნარები, კითხვის, წერის, გამართული ზეპირი მეტყველების ჩვევები. საფუძველი უნდა ჩაეყაროს ენის შემსწავლელთათვის კითხვის, ზეპირი და წერიტი მეტყველების, ასევე დამოუკიდებელი აზროვნების განვითარებას.

კურსი ასევე ითვალისწინებს გერმანული ენის პრაქტიკული გრამატიკის საფუძვლების სწავლებას. მისი ამოცანაა სტუდენტები აღჭურვოს გერმანული ენის სისტემის კანონზომიერებების ცოდნით და მათ გამოუმუშაოს გრამატიკულად სწორი მეტყველების (ზეპირი და წერიტი) მყარი უნარ-ჩვევები და მოახდინოს მათი ავტომატიზირება.

ენის სწავლების პროცესი ამ დონეზე იყენებს სწავლების თანამედროვე მეთოდებს - კომუნიკაციურს, ინტერაქციულს, ინოვაციურს. ეს პროცესი წარიმართება სტუდენტთა სააუდიტორიო, საშინაო, ინდივიდუალური და დამოუკიდებელი მუშაობის ოპტიმალური შერწყმით, აუდიო-ვიდეო მასალების გამოყენებით და ა. შ.

კურსის კოდი: HFB0150

გერმანული ენა 2 (10 კრედიტი)

აღნიშნული კურსის შესწავლისას გათვალისწინებულ უნდა იყოს გერმანული ენა I-ის კურსის საფუძველზე მიღებული წინარე ცოდნა და იგი თემატურად და მეთოდოლოგიურად უნდა მიყვებოდეს მას. გერმანული ენა II-ის კურსის დამთავრების შემდეგ სტუდენტმა უნდა შეძლოს წაკითხვის ან მოსმენის შემდეგ ადაპტირებული, ორიგინალური ტექსტის გაგება, ზეპირ ენაზე თანამედროვე საყოფაცხოვრებო თემაზე ელემენტარული საუბრის წარმართვა, წერისას კარნახის სწორად შესრულება და მართლწერის ახალი ნორმების კორექტულად გამოყენება, გერმანული ენის პრაქტიკული გრამატიკიდან მორფოლოგიის მონაკვეთის საკითხების სრულყოფილად დამუშავება, კონკრეტულად ენის შემსწავლელთათვის გათვალისწინებული გერმანული ჟურნალ-გაზეთების წაკითხვა და გაგება.

კურსის შესწავლის წინაპირობაა კურსი გერმანული ენა 1

კურსის კოდი: HFB0160

გერმანული ენა 3 (10 კრედიტი)

კურსის დამუშავების შემდეგ სტუდენტმა უნდა შეძლოს მოსმენილი ან წაკითხული ადაპტირებული ტექსტის ან დიალოგის გაგება, მარტივი საგაზეთო სტატიის წაკითხვა, თარგმნა და გაგება, წერილობით, დონის შესაბამისი ლექსიკურ-გრამატიკული სავარჯიშოების და ასევე შემოქმედებითი კარნახის შესრულება, გრამატიკიდან შესაბამისი სინტაქსური საკითხების თეორიული და პრაქტიკული დამუშავება. თანამედროვე დონის შესაბამისი ორიგინალური მხატვრული ნაწარმოების გაგება და გადმოცემა

კურსის შესწავლის წინაპირობაა კურსი გერმანული ენა 2

კურსის კოდი: HFB0170

გერმანული ენა 4 (10 კრედიტი)

კურსი მოიცავს შემდეგ ასპექტებს: აკადემიური კითხვა, შემოქმედებითი წერა, პრაქტიკული გრამატიკა, მხატვრული ტექსტის კითხვა, კომ. პერფორმაცია, მულტიმედია. კურსის დამთავრების შემდეგ სტუდენტი უნდა ფლობდეს გერმანული ენის ნორმატიული გრამატიკიდან მორფოლოგიის და სინტაქსის საფუძვლებს, შეძლოს მიღებული ცოდნის გამოყენება ასევე

მხატვრული ტექსტის ანალიზისას. გერმანიაში გამოცემული აღიარებული საინფორმაციო ჟურნალ-გაზეთების წაკითხვა და დამუშავება, შემოქმედებითი გარკვეული მოცულობის ორთოგრაფიული და შემოქმედებითი კარნახის შესრულება.

კურსის შესწავლის წინაპირობაა კურსი გერმანული ენა 3

კურსის კოდი: HFB0180

გერმანული ენა 5 (10 კრედიტი)

კურსის სწავლებისას სტუდენტს უნდა გამოუმუშავდეს ტექსტის გაგების, ანალიზისა და ინტერპრეტაციის უნარ-ჩვევები. კურსი ითვალისწინებს ბაკალავრიატის პირველ საფეხურზე დაწყებული ტექსტზე მუშაობის ელემენტების გაღრმავებასა და სრულყოფას. სტუდენტმა უნდა შეძლოს სხვადასხვა ჟანრის ტექსტის ანალიზი და ინტერპრეტაცია. შესაბამისად გერმანული ენის სწავლება მოიცავს აკადემიური კითხვის, კომ. პერფორმაციის, შემოქმედებითი წერის ასპექტებს. დამატებით ცოდნის გაღრმავება ხდება არჩევითი ზეპირი და წერიტი მეტყველების ასპექტის საშუალებით. კურსი ასევე ითვალისწინებს ანოტირება-რეფერირების ასპექტის სწავლებას.

კურსის შესწავლის წინაპირობაა კურსი გერმანული ენა 4

კურსის კოდი: HFB0190

გერმანული ენა 6 (5 კრედიტი)

კურსი ითვალისწინებს ბაკალავრიატისა ზედა საფეხურისათვის გათვალისწინებულ მოთხოვნებს და ეყრდნობა წინა საფეხურებზე მიღებულ უნარ-ჩვევებს. კურსი აერთიანებს შემდეგ ასპექტებს: აკადემიური კითხვა, კომ. პერფორმაცია, შემოქმედებითი წერა, აუდირება. ხდება ორიგინალური არაადაპტირებული მხატვრული ტექსტის ანალიზი და ინტერპრეტაცია, გერმანიაში აღიარებული პოპულარული ჟურნალ-გაზეთების წაკითხვა და საშუალო სირთულის ვიდეო მასალის დამუშავება, ზეპირითი და წერიტი მეტყველების საფუძვლებით მიღებული ცოდნის გამყარება.

კურსის შესწავლის წინაპირობაა კურსი გერმანული ენა 5

კურსის კოდი: HFB0200

გერმანული ენა 7 (5 კრედიტი)

კურსის სწავლებისას ხდება ბაკალავრიატში მიღებული ცოდნის შეჯამება და განმტკიცება. გერმანული ენის სწავლება ეყრდნობა შემდეგ ასპექტებს: აკადემიური კითხვა, კომ. პერფორმაცია, მხ. ტექსტის კითხვა, მხ. ტექსტის ინტერპრეტაცია. მიმდინარეობს ინტენსიური მუშაობა მულტიმედიის სფეროში, რაც ითვალისწინებს გერმანული აქტუალური ჟურნალ-გაზეთების დამუშავებას და თანამედროვე საინფორმაციო საშუალებების ჩართვას საწვლების პროცესში. ასევე ორიგინალური, დონის შესაბამისი სირთულის მხატვრული ტექსტის ინტერპრეტაციას და ანალიზს.

კურსის შესწავლის წინაპირობაა კურსი გერმანული ენა 6

კურსის კოდი: HFB0280

გერმანული ენის ლექსიკოლოგია (5 კრედიტი)

ლექსიკოლოგია როგორც სწავლება სიტყვისა და ენის ლექსიკური მარაგის შესახებ და მისი როგორც დისციპლინის როლისა და მნიშვნელობის განსაზღვრა წარმოადგენს აღნიშნული კურსის სწავლების მთავარ მიზანს. მუშაობა მიმდინარეობს შემდეგ საკითხებზე; სიტყვის მნიშვნელობა და გერმანული ლექსიკურ-სემანტიკური სისტემა, ლექსიკის შესწავლა სამასიოლოგიურ, ონომასიოლოგიურ, სტილისტურ, პრაგმატულ ჭრილში და ა. შ. ლექსიკოლოგიის სწავლება

გულისხმობს მნიშვნელობის ცვლის მექანიზმების მატაფორისა და მეტონიმის მოვლენათა დრმა და საფუძვლიან ანალიზს.

კურსის შესწავლის წინაპირობაა კურსი გერმანული ენა 3

კურსის კოდი: HFB0270

გერმანული ენის თეორიული გრამატიკა (5 კრედიტი)

თეორიული გრამატიკის კურსის მიზანია გააცნოს სტუდენტებს გერმანული ენის გრამატიკის ძირითადი თეორიული საფუძვლები. სწავლება ეყრდნობა შემდეგ საკითხებს: ლინგვისტური ანალიზის დონეებისა და ისეთი ელემენტების გამოყოფა და განსაზღვრა, როგორცაა ფონემა, მორფემა, სიტყვა-ფორმა, სინტაგმა, ფრაზა და ტექსტი. ენობრივ ელემენტებს შორის სინტაგმატური და პარადიგმატული მიმართებების დადგენა. გრამატიკული კატეგორიების ძირითადი მახასიათებლების განსაზღვრა. სქესის, რიცხვის, კილოს, ასპექტისა და გვარის მორფოლოგიური კატეგორიების დახასიათება.

კურსის შესწავლის წინაპირობაა კურსი გერმანული ენა 4, გერმანული ენის ლექსიკოლოგია

კურსის კოდი: HFB0210

გერმანული ენის ისტორია (5 კრედიტი)

გერმანული ენის ისტორია შეისწავლის გერმანული ენის ჩამოყალიბების პროცესს, ადგენს მისი განვითარების შინაგან კანონზომიერებებს. ენის ისტორიის ცოდნა სტუდენტებს საშუალებას აძლევს გაეცნონ ძველ ისტორიულ და ლიტერატურულ ძეგლებს, დაუკავშირონ ენის ისტორია ხალხის ისტორიასა და კულტურას.

კურსის შესწავლის წინაპირობაა კურსი გერმანული ენა 5, გერმანული ენის თეორიული გრამატიკა

კურსის კოდი: HFB0310

საზღვარგარეთის ლიტერატურის ისტორია 1 (5 კრედიტი)

კურსი მოიცავს შემდეგ თემებს: შუა საუკუნეებისა და აღორძინების ხანის დასავლეთევროპული ლიტერატურა; XVII საუკუნის ევროპული ლიტერატურის ძირითადი მიმდინარეობანი და მხატვრული ტენდენციები (რენესანსული რეალიზმი, კლასიციზმი, ბაროკო); ევროპული განმანათლებლობა და სენტიმენტალიზმი

კურსის შესწავლის წინაპირობა: შესავალი ლიტერატურათმცოდნეობაში; კლასიკური ფილოლოგია

კურსის კოდი: HFB0290

მხატვრული ტექსტის ანალიზი (5 კრედიტი)

კურსი მოიცავს შემდეგ თემებს: მხატვრული ტექსტის ცნება; ტექსტი და კონტექსტი; მხატვრული ტექსტის ანალიზის მეთოდები და ძირითადი ლიტერატურათმცოდნეობითი სკოლები; მხატვრული ტექსტის ფორმა და შინაარსი; ძირითადი ლიტერატურული ჟანრები; მხატვრული ტექსტის ფაბულა და სიუჟეტი; კომპოზიცია და სტრუქტურა; ავტორისა და მთხრობელის კატეგორიები; თხრობის პერსპექტივები; მხატვრული სახის ესთეტიკური კატეგორია; მხატვრული დრო და სივრცე, ქრონოტოპის ცნება; ინტერტექსტუალობა; მხატვრული ტექსტის ენობრივი დონე; მხატვრული ტექსტის სტილი; ვერსიფიკაციის საკითხები; კურსი ასევე

მოიცავს პრაქტიკულ მუშაობას მხატვრულ ტექსტებზე დედანში, ცალკეული მხატვრული ტექსტების ანალიზს შესწავლილი მეთოდებისა და ესთეტიკური კატეგორიების მიხედვით.

კურსის შესწავლის წინაპირობა: შესავალი ლიტერატურათმცოდნეობაში

კურსის კოდი: HFB0320

საზღვარგარეთული ლიტერატურის ისტორია 2 (5 კრედიტი)

კურსი მოიცავს შემდეგ თემებს: ევროპული და ამერიკული რომანტიზმი; XIX საუკუნის ევროპული და ამერიკული რეალიზმი; XIX-XX საუკუნეების მიჯნის ევროპული ლიტერატურა (დეკადენტური მიმდინარეობანი); XX საუკუნის I ნახევრის ევრო-ამერიკული ლიტერატურა (მოდერნიზმი, რეალიზმი); XX საუკუნის II ნახევრის ევრო-ამერიკული ლიტერატურა

კურსის შესწავლის წინაპირობა: საზღვარგარეთის ლიტერატურის ისტორია 1

კურსის კოდი: HFB0410

შუა საუკუნეებისა და აღორძინების ხანის გერმანული ლიტერატურის ისტორია (5 კრედიტი)

კურსი მოიცავს შემდეგ თემებს: შუა საუკუნეებისა და აღორძინების ხანის გერმანული ლიტერატურა; გერმანული საგმირო ეპოსი; გერმანული სარაინდო რომანი და ვოლფრამ ფონ ეშენბახი; გერმანული კურტუაზიული ლირიკა; მინეზანგი; გერმანული რენესანსის სპეციფიკა; რეფორმაცია და მარტინ ლუთერი; ჰანს ზაქსი

კურსის შესწავლის წინაპირობა: შესავალი კურსი გერმანულ ფილოლოგიაში; საზღვარგარეთის ლიტერატურის ისტორია 1

კურსის კოდი: HFB0020

XVII-XVIII საუკუნეების გერმანული ლიტერატურის ისტორია (5 კრედიტი)

კურსი მოიცავს შემდეგ თემებს: XVII საუკუნის გერმანული ლიტერატურის ძირითადი ტენდენციები; გერმანული კლასიციზტური პოეზია და დრამა; XVII საუკუნის გერმანული რომანი: გრიმელსჰაუზენის „სიმპლიციუს სიმპლიციისიმუსი“; XVIII საუკუნის გერმანული ლიტერატურა; გერმანული განმანათლებლობის სპეციფიკა და ეტაპები; „ქარიშხლისა და შეტევის“ ლიტერატურა; ვაიმარული კლასიკა

კურსის შესწავლის წინაპირობა: შუა საუკუნეებისა და აღორძინების ხანის გერმანული ლიტერატურის ისტორია

კურსის კოდი: HFB0010

XIX საუკუნის გერმანული ლიტერატურის ისტორია (5 კრედიტი)

კურსი მოიცავს შემდეგ თემებს: გერმანული რომანტიზმის ფილოსოფიური წანამდგვრები; გერმანული რომანტიზმის სპეციფიკა და ეტაპები; იენის წრის რომანტიზმი; ჰაიდელბერგის წრის რომანტიზმი; ბერლინის წრის რომანტიზმი; შვაბური სკოლა; XIX საუკუნის გერმანული რეალისტური ლიტერატურის ძირითადი ტენდენციები; ჰაინრიჰ ჰაინეს შემოქმედება; ბიუჰნერის შემოქმედება; ლიტერატურული ჯგუფი „ახალგაზრდა გერმანია“

კურსის შესწავლის წინაპირობა: XVII-XVIII საუკუნეების გერმანული ლიტერატურის ისტორია

კურსის კოდი: HFB0030

XX საუკუნის I ნახევრის გერმანული ლიტერატურის ისტორია (5 კრედიტი)

კურსი მოიცავს შემდეგ თემებს: დეკადენტური მიმდინარეობანი XIX-XX საუკუნეთა მიჯნის გერმანულ ლიტერატურაში; გერმანული ნატურალისტური დრამა და გ. ჰაუპტმანი; სიმბოლიზმი და იმპრესიონიზმი; ექსპრესიონიზმი; XX საუკუნის I ნახევრის გერმანული რომანი (ჰ. მანი, თ. მანი, ფ. კაფკა, ა. დიობლინი); XX საუკუნის I ნახევრის გერმანული რეალისტური ლიტერატურის სპეციფიკა

კურსის შესწავლის წინაპირობა: XIX საუკუნის გერმანული ლიტერატურის ისტორია

კურსის კოდი: HFB0040

XX საუკუნის II ნახევრის გერმანული ლიტერატურის ისტორია (5 კრედიტი)

კურსი მოიცავს შემდეგ თემებს: XX საუკუნის II ნახევრის გერმანული ლიტერატურის ძირითადი ტენდენციები; II მსოფლიო ომი და გერმანული ლიტერატურა; ბრეჰტის „ეპიკური დრამის“ თეორია და დრამატურგიული პრაქტიკა; შ. ცვაიგისა და ლ. ფოიხტვანგერის შემოქმედება; ჰ. ჰესეს შემოქმედება; ჰ. ბიოლის შემოქმედება; ჰ. ბროხის შემოქმედება; რ. მუზილის შემოქმედება; ავსტრიის გერმანულენოვანი ლიტერატურა (ბახმანი, ცელანი); მ. ფრიშის შემოქმედება; ზ. ლენცის შემოქმედება; ფრ. დიურენმატის დრამატურგია; პეტერ ვაისის „ტოტალური“ თეატრი; XX ს-ის II ნახევრის გერმანული ლირიკა; გ. გრასის შემოქმედება; კ. ვოლფის შემოქმედება

კურსის შესწავლის წინაპირობა: XX საუკუნის I ნახევრის ინგლისური ლიტერატურის ისტორია

კურსის კოდი: HFB0060

სპეცურსი: გერმანული განმანათლებლობისა და რომანტიკული ლიტერატურის პრობლემური საკითხები (5 კრედიტი)

კურსი მოიცავს შემდეგ თემებს: XVIII საუკუნის გერმანული განმანათლებლობის ფილოსოფიური საფუძვლები; გერმანული განმანათლებლობის ესთეტიკური პრინციპები და ეტაპები; ადრეული გერმანული განმანათლებლობა; „ქარიშხლისა და შეტევის“ ლიტერატურა; „შტურმერთა“ ესთეტიკური პრინციპები; ვაიმარული კლასიკა; გერმანული რომანტიზმის წარმოშობის სოციალურ-ფილოსოფიური საფუძვლები; იენის რომანტიზმის ესთეტიკური პრინციპები; გრძნობისა და ბუნების კულტი რომანტიზმის თეორიაში; ინდივიდუალიზმი, გენიოსის პრობლემა; „უსასრულოს“ ესთეტიკური კატეგორია; შექსპირი გერმანული რომანტიზმის თეორიაში; კლასიციზმის კრიტიკა, დრამის თეორია; ისტორიზმი, ფოლკლორი და შუა საუკუნეების გააზრება; ანტითეზა - „კლასიკური-რომანტიკული“.

კურსის შესწავლის წინაპირობა: XIX საუკუნის გერმანული ლიტერატურის ისტორია

კურსის კოდი:HLB0370

კურსის დასახელება: ქართული ენა (2, 5 კრედიტი)

კურსი მოიცავს შემდეგ თემებს: ქართველი ერის ისტორიული განვითარების გზა, ქართული ენის წარმოშობა და მისი თეორიები, ქართული ენის ადგილი მსოფლიო ენათა სისტემაში, ქართული დამწერლობის წარმოშობა, განვითარების ეტაპები, ქართული ენის ურთიერთობა სხვა ენებთან, დიალექტები და ურთიერთობა სალიტერატურო ენასთან, ქართული ენის ნორმირების საკითხები. კურსის ათვისებისათვის საჭირო წინაპირობები: სასკოლო პროგრამით გათვალისწინებულ საკითხთა ცოდნა ქართულ ენასა და საქართველოს ისტორიაში.

კურსის კოდი:HGB0111

კურსის დასახელება: **ქართული ლიტერატურა (2, 5 კრედიტი)**

აღნიშნული კურსის შესწავლა სტუდენტს გარკვეულ წარმოდგენას შეუქმნის ქართული მწერლობის სამივე პერიოდის (ძველი, XIX და XX საუკუნეების) უმთავრეს პრობლემურ საკითხებზე. იგი მიიღებს არა მარტო სათანადო მეცნიერულ ინფორმაციას ზემოთქმულთან დაკავშირებით, არამედ მაღალ პროფესიულ დონეზეც გაერკვევა ქართული ლიტერატურის ისტორიის არსსა და ქართველი კლასიკოსი მწერლების შემოქმედების უმთავრეს პრობლემატიკაში, რაც გაანალიზებული იქნება ევროპული ლიტერატურის კონტექსტში.

კურსის კოდი:HLB0170

კურსის დასახელება: **ზოგადი ენათმეცნიერება (5 კრედიტი)**

ზოგადი ენათმეცნიერების კურსი ეკითხება ჰუმანიტარულ მეცნიერებათა ფაკულტეტის ბაკალავრიატის ფილოლოგიური სპეციალობების მეოთხე კურსის სტუდენტებს. კურსი მოიცავს ორ სფეროს: ენათმეცნიერების ისტორიისა და ენათმეცნიერების თეორიის საკითხებს. გათვალისწინებულია ყველა ძირითადი საენათმეცნიერო სკოლისა და თეორიული მიმდინარეობის დებულებების გაცნობა. ამასთანავე, განსაკუთრებული ყურადღება ექცევა ენათა შესწავლისა და აღწერის მეთოდების დაუფლებასა და პრაქტიკულ აპრობაციას, ასევე ძირითადი სამეცნიერო პუბლიკაციების დამუშავებას.

კურსის შესწავლის წინაპირობაა შემდეგი კურსების ათვისება: ენათმეცნიერების შესავალი;

პროგრამის არჩევითი კურსები (15)

კურსის კოდი: HFB0840

არჩევითი კურსი 1 - ქვეყანათმცოდნეობა (5 კრედიტი)

ქვეყანათმცოდნეობის სწავლება მიზნად ისახავს გააცნოს სტუდენტებს იმ ქვეყნისა და ხალხის ცხოვრების თავისებურებანი, რომლის ენასაც ისინი სწავლობენ. სტუდენტი უნდა ფლობდეს ინფორმაციას ქვეყნის პოლიტიკური და სახელმწიფოებრივი წყობისა და ეკონომიკის ძირითადი მიმართულებების, ასევე განათლებისა და კულტურის მდგომარეობის და მისი განმსაზღვრელი პრინციპების შესახებ.

კურსის კოდი:HWB0141

არჩევითი კურსი 1 - გერმანული სარაინდო რომანის სპეციფიკა (5 კრედიტი)

კურსი მოიცავს შემდეგ თემებს: გერმანული სარაინდო რომანის გენეზისი; გერმანული სარაინდო რომანის სპეციფიკა და ეტაპები; ჰაინრიხ ფელდეკე; ჰარტმან ფონ აუეს შემოქმედება; ვოლფრამ ფონ ეშენბახის „პარციფალი“; ალზრდის რომანი; გოტფრიდ შტრასბურგელი; გერმანული სარაინდო რომანი და შპილმანური ეპოსი: შედარებითი დახასიათება; გერმანული სარაინდო რომანი და ფეოდალური ეპოსი.

კურსის შესწავლის წინაპირობა: შუა საუკუნეებისა და აღორძინების ხანის გერმანული ლიტერატურის ისტორია

კურსის კოდი: HFB0051

არჩევითი კურსი 2 - ბიზნესის ენა (5 კრედიტი)

აღნიშნული კურსის მიზანია გამოუმუშაოს სტუდენტებს საქმიანი ურთიერთობებისათვის აუცილებელი ენობრივი უნარ-ჩვევები, ასევე მათ უნდა შეძლონ ეკონომიკური შინაარსის ტექსტის თარგმნა და გაგება, უნდა შეძლონ საუბრის წარმართვა და საუბრები ბიზნესის გარკვეულ თემებზე და საქმიანი კორესპოდენციის წარმოება.

კურსის კოდი: HWB0131

არჩევითი კურსი 2 - გერმანული მინეზანგი (5 კრედიტი)

კურსი მოიცავს შემდეგ თემებს: გერმანული მინეზანგის გენეზისი; მინეზანგის სპეციფიკა და ეტაპები; ეროვნული მინეზანგი: კიურენბერგი, აისტი; საკარო მინეზანგი: რაინმარ ფონ ჰაგენაუ; ვალტერ ფონ დერ ფოგელვაიდეს პოეზია; ეროვნული და საკარო მინეზანგის ელემენტების სინთეზი; გვიანი მინეზანგი: ლიჰტენშტაინი

კურსის შესწავლის წინაპირობა: შუა საუკუნეებისა და აღორძინების ხანის გერმანული ლიტერატურის ისტორია

კურსის კოდი: HFB0221

არჩევითი კურსი 3 - დესკრიფციული წერა (5 კრედიტი)

კურსის ასათვისებლად სტუდენტი უნდა ფლობდეს წერითი მეტყველების უნარ-ჩვევათა ისეთ მოცულობასა და დონეს, რომ ნორმატულად, გამართულად და ფუნქციურად ადეკვატურად გამოიყენოს წერითი აქტივობის ყველა სახეობა. მას უნდა ჰქონდეს წერითი მეტყველების სხვადასხვა ფორმის გამოყენების უნარ-ჩვევა. მან უნდა შეძლოს: ფაქტების, მოვლენების, პროცესების წერილობითი აღწერა, წარსულში მომხდარი ამბის თხრობა

კურსის კოდი: HWB0291

არჩევითი კურსი 3 - ქართულ-გერმანული ლიტერატურული ურთიერთობების ისტორია (5 კრედიტი)

კურსი მოიცავს შემდეგ თემებს: გერმანული სარაინდო ეპოსი და „ვეფხისტყაოსანი“: ტიპოლოგიური ანალიზი; ვოლფრამ ფონ ეშენბახი და შოთა რუსთაველი; ანდრეას გრიფიუსი და საქართველო; ნოვალისი და ბარათაშვილი; გოეთეს „ვერტერის“ ქართული თარგმანები; ფონ ზუტნერები და საქართველო; არტურ ლაისტი და საქართველო

კურსის შესწავლის წინაპირობა: შუა საუკუნეებისა და აღორძინების ხანის გერმანული ლიტერატურის ისტორია

8. სტუდენტთა შეფასების სისტემა

სტუდენტთა მიღწევების შეფასება ხდება საქართველოს განათლებისა და მეცნიერების მინისტრის 2007 წლის 5 იანვრის №3 და 2009 წლის 21 სექტემბრის №785 ბრძანებებით განსაზღვრული შემდეგი პუნქტების გათვალისწინებით:

1. კრედიტის მიღება შესაძლებელია მხოლოდ სტუდენტის მიერ სილაბუსით დაგეგმილი სწავლის შედეგების მიღწევის შემდეგ, რაც გამოიხატება მე-6 პუნქტის “ა” ქვეპუნქტით გათვალისწინებული ერთ-ერთი დადებითი შეფასებით.

2. დაუშვებელია სტუდენტის მიერ მიღწეული სწავლის შედეგების ერთჯერადად, მხოლოდ დასკვნითი გამოცდის საფუძველზე შეფასება. სტუდენტის გაწეული შრომის შეფასება გარკვეული შეფარდებით უნდა ითვალისწინებდეს:

ა) შუალედურ შეფასებას;

ბ) დასკვნითი გამოცდის შეფასებას.

3. სასწავლო კურსის მაქსიმალური შეფასება 100 ქულის ტოლია.

4. დასკვნითი გამოცდა არ უნდა შეფასდეს 40 ქულაზე მეტით.

5. დასკვნით გამოცდაზე გასვლის უფლება ეძლევა სტუდენტს, რომელსაც შუალედური შეფასებისა და დასკვნითი გამოცდის მაქსიმალური ქულის გათვალისწინებით უგროვდება 51 ქულა.

6. შეფასების სისტემით დასაშვებია:

ა) ხუთი სახის დადებითი შეფასება:

ა.ა) (A) ფრიადი - მაქსიმალური შეფასების 91% და მეტი;

ა.ბ) (B) ძალიან კარგი - მაქსიმალური შეფასების 81-90%;

ა.გ) (C) კარგი - მაქსიმალური შეფასების 71-80%;

ა.დ) (D) დამაკმაყოფილებელი - მაქსიმალური შეფასების 61-70%;

ა. ე) (E) საკმარისი - მაქსიმალური შეფასების 51-60%;

ბ) ორი სახის უარყოფითი შეფასება:

ბ.ა) (FX) ვერჩააბარა - მაქსიმალური შეფასების 41-50%, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება.

ბ.ბ) (F) ჩაიჭრა - მაქსიმალური შეფასების 40% და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

7. მე-6 პუნქტით გათვალისწინებული შეფასებების მიღება ხდება შუალედური შეფასებებისა და დასკვნითი გამოცდის შეფასების დაჯამების საფუძველზე.

8. სტუდენტს დამატებით გამოცდაზე გასვლის უფლება აქვს იმავე სემესტრში. დასკვნით და შესაბამის დამატებით გამოცდას შორის შუალედი უნდა იყოს არანაკლებ 10 დღისა.

სასწავლო კურსში სტუდენტის მიღწევების შეფასების დამატებითი კრიტერიუმები განისაზღვრება შესაბამისი სილაბუსით.